

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
ბრძანება N01-02/29

ქ. ბათუმი

25 თებერვალი, 2020 წ

2020-2021 სასწავლო წლისათვის ევროკომისიის მიერ დაფინანსებული „ერაზმუს+“  
გაცვლითი პროგრამის ფარგლებში დუსელდორფის უნივერსიტეტში ბსუ-ს  
ზოგიერთი საბაკალავრო საგანმანათლებლო პროგრამის სტუდენტთა გამოვლენის  
მიზნით კონკურსის ჩატარებისა და საკონკურსო კომისიის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს  
წესდების მე-13 მუხლის, „საერთაშორისო გაცვლითი პროგრამების ადმინისტრირების  
წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს N06-  
01/89 დადგენილებისა და ბსუ-ს უნივერსიტეტის სტრატეგიული განვითარებისა და  
საგარეო ურთიერთობათა დეპარტამენტის უფროსის მოადგილის ნანა ყურშუბაძის  
2020 წლის 21 თებერვლის MES 4 20 00225527 მოხსენებითი ბარათის საფუძველზე

ვბრძანებ:

1. გამოცხადდეს კონკურსი 2020-2021 სასწავლო წლის შემოდგომის  
სემესტრისთვის ევროკომისიის მიერ დაფინანსებული „ერაზმუს+“ გაცვლითი  
პროგრამის ფარგლებში დუსელდორფის უნივერსიტეტში (ინფორმაცია განთავსებულია  
ბსუ-ს ვებგვერდზე, ბსუ-ს სტრატეგიული განვითარებისა და საგარეო ურთიერთობათა  
დეპარტამენტის ვებში) გერმანული ფილოლოგიის მიმართულებით მობილობის  
განსახორციელებლად ბსუ-ს საბაკალავრო საგანმანათლებლო პროგრამების  
სტუდენტთა შერჩევის მიზნით და განისაზღვროს შემდეგი საკონკურსო ვადები:

ა) კონკურსში მონაწილეობის მსურველთა საკონკურსო დოკუმენტაციის მიღება  
ელექტრონულ ბმულზე (საინფორმაციო ტექნოლოგიების სამსახურის  
დახმარებით) <http://registration.bsu.ge> და მატერიალური სახით ბსუ-ს კანცელარიის  
მეშვეობით - 2020 წლის 24 თებერვლიდან 7 მარტის ჩათვლით (10:00 სთ-დან  
18:00 საათამდე, შაბათ-კვირის გარდა). საკონკურსო დოკუმენტაცია უნდა  
წარმოადგინოს კონკურსანტებმა, რომლებმაც ჩააბარეს გამოცდა გერმანულ ენაში (B1)  
„ერაზმუს+“ გაცვლითი პროგრამის ფარგლებში.

ბ) საკონკურსო დოკუმენტაციის შემოწმება და შეფასება - 2020 წლის 10 მარტი -  
სტრატეგიული განვითარებისა და საგარეო ურთიერთობათა დეპარტამენტის  
(საკონკურსო კომისიის) მიერ.

გ) გასაუბრება კონკურსანტებთან - 2020 წლის 11 მარტი (ჩატარდეს საკონკურსო  
კომისიასთან (მისამართზე: ქ. ბათუმი, ნინოშვილის ქ. №35, ბსუ-ს პირველი კორპუსი,  
ოთახი №35). გასაუბრების ზუსტი დრო დამატებით ეცნობებათ სტუდენტებს ბსუ-ს  
ვებგვერდის ან/და მათ მიერ საკონკურსო განაცხადში მითითებულ  
ტელეფონებზე/ელექტრონულ ფოსტაზე;

დ) კონკურსანტთა სიების გადაგზავნა მიმღებ უნივერსიტეტებში - 2020 წლის 12 მარტი.

2. დამტკიცდეს საკონკურსო კომისიის ძირითადი შემადგენლობა:

- ბ) გიორგი თავამაიშვილი - სტრატეგიული განვითარებისა და საგარეო ურთიერთობათა დეპარტამენტის უფროსი (თავმჯდომარის მოადგილე);
- გ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე;
- დ) ირაკლი კორძაია - ხარისხის უზრუნველყოფის სამსახურის უფროსის მ/შ;
3. საკონკურსო კომისიის შემადგენლობას, სათათბირო ხმის უფლებით, შესაბამისი ფაკულტეტის სტუდენტების გასაუბრების ეტაპზე დაემატოს ამ ფაკულტეტის დეკანები (როსტომ ბერიძე - ტურიზმის ფაკულტეტიდან, მარინე გიორგაძე-ჰუმანიტარულ მეცნიერებათა ფაკულტეტიდან).
4. სტუდენტების კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ განსაზღვრული კრიტერიუმებით და პროცედურებით.
5. წინამდებარე ბრძანების აღსრულებაზე კონტროლი განახორციელოს რექტორის მოადგილემ, პროფესორმა თამარ სირაძემ.
6. ბრძანება სახელმძღვანელოდ და აღსასრულებლად დაეგზავნოს ბსუ-ს შესაბამის სტრუქტურულ ერთეულებს (საინფორმაციო ტექნოლოგიების სამსახურს, სტრატეგიული განვითარებისა და საგარეო ურთიერთობათა დეპარტამენტს, იურიდიულ დეპარტამენტს, ფაკულტეტებს), საკონკურსო კომისიის წევრებს, ადმინისტრაციის ხელმძღვანელს და რექტორის მოადგილეებს.
7. ბრძანების ბსუ-ს ოფიციალურ ვებგვერდსა (კონკურსების ველში) და საინფორმაციო დაფებზე (კანცელარიასთან და ფაკულტეტებზე) განთავსება უზრუნველყოს საინფორმაციო ტექნოლოგიების სამსახურმა და კანცელარიამ, მათი კომპეტენციების შესაბამისად.
8. ბრძანება ძალაშია ხელმოწერისთანავე.

რექტორი, ასოცირებული პროფესორი



მ. ხალვაში